



UNIVERSITÄTS-
BIBLIOTHEK
PADERBORN

Davidis Regii Prophetæ Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs XCIX. Dominus regnauit, irascantur &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Ipse Iehoua venit, terras ut iudicet & quis
Legibus, immota iusticiaq; regat.*

PSALMVS XCIX.

Dominus regnauit, irascantur &c.

E*Sto, fremant populi, furor armifer occupet
omnes:*

*Cum Dominus noster Rex sit et armipotens.
Terra tremat concussa metu fundamine ab imo,
Cum Cherubin Dominus maximus insideat.
Inclytus est Dominus per mœnia celsa Sionis,
Illius & populi robora magna timent.
Laudibus extollant magnum & mirabile nomen,
Quo non est sanctum nomen in orbe magis.
Hoc sub rege vigent leges, ius deniq; & æquum,
Iusticiam tribuit, iudiciumq; Jacob.
Hunc igitur Dominum merito celebretis honore,
Offerat huic flexo poplite quisq; preces.
Legifer hunc Moses coluit cum fratre Aarone,
Cum foret à sacris clarus uterq; Dei.
At Samuel quoties Dominum fido ore rogauit,
Comperit ardentes pondus habere preces.
Nube sua tectus Deus his sua iussa ferebat,*

Quæ

*Quæ seruare illis maxima cura fuit.
Ioua Deus noster, bonitas tua cognita tunc est,
Ipsorum audires cum facili aure preces.
Cum condonares ipsis peccata benignus,
Et castigares improba facta tamen.
Exultate Deum, Dominum virtute potentem:
Montis adorete ad culmina sancta sui.
Sanctus enim est Dominus, ter maximus optimus
Robore et excellit laudis honore Deus. (idem,*

PSALMVS C.

Iubilate Deo omnis terra, &c.

Incola mundi Domino dicite
Canticum: sanctè faciem colentes
Illius vos nunc, agite, este cuncti
Pectore leto.

Quòd sit hic vester Dominus Iehoua,
Solutus & rerum omnipotens creator,
Hinc liquet, vestrum quia nemo seipsum
Condidit vnquam.

Hic suo iunxit populo sacro
Nos oues quando miserè relictas,